
■ GRISCHUN

Concept per meds d'instrucziun en rumantsch grischun

(cc) La regenza approvescha l'elavuraziun d'in concept per in med d'instrucziun per l'instrucziun da realias en rumantsch grischun. Entant che las scolas da lingua tudestga han ina gronda tscherna da meds d'instrucziun per l'instrucziun da realias en las 1. – 3. classas, han las persunas d'instrucziun rumantschas stuì renunziar ad ina purschida correspudenta fin oz ed han stuì elavurar sezzas tut ils cuntegns per l'instrucziun.

En il rom dal project «rumantsch grischun en scola» ston – tenor il concept – vegnir mess a disposiziun ils meds d'instrucziun per las emprimas classas primaras a partir da l'onn da scola 2007/08. L'instrucziun da realias cumpiglia – en moda interdisciplinara cun l'instrucziun en l'emprima lingua – otg lecziuns sin il stgalim bass, quai vul dir 30 fin 36 pertschient dal temp d'instrucziun. L'emprim dals dus meds d'instrucziun ch'èn planisads duai cumparair previsiblamain la fin da l'onn 2008.